

遼史卷四

元中書右丞相總裁托克托等修

本紀第四

太宗下

會同元年春正月戊申朔晉及諸國遣使來賀晉使且言已命和
凝撰聖德神功碑戊辰遣人使晉二月壬午室韋進白麋戊子鐵
驪來貢丁酉獵松山戊戌幸遼河東丙午上思人皇王遣特哩袞
原作惕隱率宗室以下祭其行宮丁未詔增晉使所經供億戶三月壬
戌將東幸三剋言農務方興請減輜重促還期從之丙寅女直來
貢癸酉東幸夏四月戊寅朔如南京甲申女直來貢乙酉幸溫泉
已丑還宮朝於皇太后丁酉女直貢弓矢己亥西南邊大詳袞原作
詳耶律羅卜科原作魯奏党項捷五月甲寅晉復遣使請上尊號

從之六月丙子朔吐谷渾及女直來貢辛卯南唐來貢癸巳詔建

日月四時堂圖寫古帝王事於兩廡秋七月癸亥遣使賜晉馬丁

卯遣呼喇台

原作鶻
離底

使晉美楞

原作梅里拉呼

原作了古

使南唐戊辰遣中

臺省右相耶律蘇呀

原作述蘭

特爾格

原作烈哥

使晉臨海軍節度使趙

思溫副之冊晉帝爲英武明義皇帝八月戊子女直來貢庚子吐

谷渾烏孫靺鞨皆來貢九月庚戌黑車子室韋貢名馬邊臣奏晉

遣守司空馮道左散騎常侍韋勲來上皇太后尊號左僕射劉煦

右諫議大夫盧重上皇帝尊號遂遣監軍伊聶濟

原作寅
你已

充接伴

壬子詔羣臣及高年凡授大臣爵秩皆賜錦袍金帶白馬金飾鞍

勒著於令冬十月甲戌朔遣郎君特哩衮

原作迪
里姑

等撫問晉使壬

寅晉遣使來謝冊禮是日復有使進獨峯駝及名馬十一月甲辰

朔命南北宰相及額爾奇木

原作夷
離董

就館賜晉使馮道以下宴丙

午上御開皇殿召見晉使王子皇太后御開皇殿馮道韋勳冊上

尊號曰廣德至仁昭烈崇簡應天皇太后甲子行再生柴冊禮丙

寅皇帝御宣政殿劉煦盧重冊上尊號曰睿文神武法天啟運明

德章信至道廣敬昭孝嗣聖皇帝大赦改元會同是月晉復遣趙

瑩奉表來賀以幽薊瀛莫涿檀順嬀儒新武雲應朔寰蔚十六州

并圖籍來獻於是詔以皇都為上京府曰臨潢升幽州為南京南

京為東京改新州為奉聖州武州為歸化州升北南二院及伊實

原作夷乙室額爾奇木原作夷為王以主簿為令令為刺史刺史為節度

使二部德里吉原作梯為司徒達爾罕原作達為副使瑪爾布原作

麻都不為縣令縣達爾罕原作達為馬步置宣徽閣門使控鶴客省

御史大夫中丞侍御判官文班牙署諸宮院實珠原作馬羣約尼

原作遙輦實珠原作南北府國舅帳郎君官為敝史諸部宰相節度使

帳爲司空二室韋達林

原作闡林

爲僕射鷹坊監冶等局官長爲詳袞

原作詳穩

十二月戊戌遣通果

原作同括

阿巴

原作阿鉢

等使晉制加晉馮道守

太傅劉煦守太保餘官各有差

二年春正月乙巳以受晉冊遣使報南唐高麗丁未御開皇殿宴

晉使馮道以下賜物有差戊申晉遣金吾衛大將軍馬從斌考功

郎中劉知新來貢珍幣命分賜羣臣丙辰晉遣使謝免沿邊四州

錢幣二月戊寅宴諸王及節度使來賀受冊禮者仍命皇太子特

哩袞

原作惕隱

達年餞之癸巳謁太祖廟賜在京吏民物及內外羣臣

官賞有差丁卯加兼侍中左金吾衛上將軍王郤檢校太尉三月

戊申女直來貢丁巳封皇子舒嚕

原作述律

爲壽安王

雅斯哈

原作撒葛

爲太平王己巳大賚百姓夏四月乙亥幸木葉山

癸巳東京路奏狼食人五月乙巳禁南京鬻牝羊出境薩納噶

原作

思奴

多囉

原作多里

等坐盜官物籍其家南唐遣使來貢丁未以所貢

物賜羣臣戊申回鶻單于使人乞授官詔第加刺史縣令六月丁

丑雨雪是夏駐蹕頻蹕淀秋七月戊申晉遣使進犀帶庚戌吐谷

渾來貢乙卯敝史阿巴

原作阿鉢

坐奉使失職命答之閏月癸未伊實

原作乙室

大王坐賦調不均以木劒背撻而釋之并罷南北府民上供

及宰相節度諸賦役非舊制者乙酉遣迪里

原作烈

賜晉烏爾古

烏爾古良馬已丑以南王府二刺史貪蠹各杖一百仍繫虞候帳備射

鬼箭選羣臣爲民所愛者代之八月乙丑晉遣使貢歲幣奏輸戊

亥二歲金幣於燕京九月甲戌準布

原作阻卜

阿勒達

原作阿

來貢已

卯遣使使晉冬十月丁未上以烏爾古

原作烏爾古

部水草肥美詔北南

院徙三錫林

原作石烈

戶居之十一月丁亥鐵驪燉煌並遣使來貢十

二月庚子釣魚於土河甲午回鶻使者僉人有以刃相擊者詔付

其使處之

三年春正月戊子吳越王遣使來貢庚寅人皇王妃來朝回鶻使

乞觀諸國使朝見禮從之壬辰遣陪謁阿巴原作阿鉢使晉致生辰禮

晉以并鎮忻代之吐谷渾來歸二月己亥奚王喇呼鼐原作勞骨寧率

六節度使朝貢庚子烏爾古原作烏古遣使獻伏鹿國俘賜其部額爾

奇木原作夷離堇旗鼓以旌其功壬寅女直來貢辛亥摩哩拉呼摩哩

原作墨離使回鶻阿爾斯蘭原作阿薩蘭還賜對衣勞之乙卯鴨淥江

女直遣使來覲三月戊辰遣使使晉報幸南京己巳如南京辛未

命特哩衮原作惕隱耶律努喀特原作溫離骨德率萬騎先驅壬申次石嶺

以奚王喇呼鼐原作勞骨寧監軍伊聶濟原作寅你巳朝謁不時切責之丙

子羅卜科原作魯不姑上党項俘獲數癸未獵水門獲白鹿庚寅詔扈

從擾民者從軍律甲午幸薊州乙未晉及南唐各遣使來覲夏四

月庚子至燕備法駕入自拱辰門御元和殿行入閣禮壬寅遣人
使晉乙巳幸留守趙延壽別墅丙午晉遣宣徽使楊端王眺等來
問起居壬子御便殿宴晉及諸國使丙辰晉遣使進茶藥壬戌御
昭慶殿宴南京羣臣癸亥晉遣使賀端午以所進節物賜羣臣乙
丑南唐進白龜五月庚午以端午宴羣臣及諸國使命回鶻燉煌
二使作本俗舞俾諸使觀之庚辰晉遣使進弓矢甲申遣皇子天
德及檢校司徒耶用和使晉戊子閱騎兵於南郊六月乙未朔東
京宰相耶律伊濟原作羽之言渤海相大素賢不法詔僚佐部民舉有
才德者代之丙申閱步卒於南郊庚子晉及錫爾固勒濟原作刺骨只
遣使來見壬寅駕發燕京命中書令蕭僧隱部諸道軍於長坐營
癸丑次奉聖州甲寅勞軍士秋七月己巳獵哈達拉原作狷底烈山癸
酉朝於皇太后丙子從皇太后視人皇王妃疾戊寅人皇王妃蕭

氏薨己卯以安重榮據鎮州叛晉詔征南將軍柳嚴邊備丙戌徙

人皇王行宮於其妃薨所辛卯晉遣使請行南郊禮許之八月己

亥詔東丹吏民爲其王貝原作倍妃蕭氏服庚子準布原作阻來貢壬

寅遣使南唐乙巳準布原作阻黑車子室韋瑋里原作實等國來貢南

唐遣使求青氊帳賜之戊申以安圖原作安端私城爲白川州辛亥布

古德原作鼻使乞賜爵以其國相授之甲寅準布原作阻來貢乙卯

置白川州官屬丙辰詔以伊奇哩原作于河臚胸河之近地給賜

南院鄂津特瑋哩原作歐伊遜巴勒原作乙北院烏納哈喇原作溫

河三錫林原作石人爲農田九月庚午侍中崔窮古言晉主聞陛下

數游獵意請節之上曰朕之畋獵非徒從樂所以練習武事也乃

詔諭之壬午邊將奏破吐谷渾擒其長詔止誅其首惡及其丁壯

餘並釋之丙戌晉遣使貢名馬戊子及吳越王遣使來貢冬

十月辛丑遣剋朗使吳越魯庫

原作畧姑

使南唐庚申晉遣使貢布及

請親祠南嶽從之十一月己巳南唐遣使奉蠟丸書言晉密事丁

丑詔有司教民播種紡績除姊亡妹續之法十二月壬辰朔率百

僚謁太祖行宮甲午燔柴禮畢祠於神帳丙申遣使使晉丙辰詔

契丹人授漢官者從漢儀聽與漢人婚姻丁巳詔燕京皇城西南

堞建涼殿是冬駐蹕於繖

原作傘

淀

四年春正月壬戌以伊實

原作乙室

彭布

原作品卑

托果

原作突軌

三部

鰥寡不

能自存者官爲之配丙子南唐遣使來貢庚辰納喇

原作涅刺

威原作烏隗

部獻党項俘獲數已丑詔定征党項功二月丙申皇太子獲白麀

甲辰晉遣使進香藥丙午鐵驪來貢丁巳詔有司編始祖奇善汗

原作奇首可汗

事迹已未晉遣楊彥詢來貢且言鎮州安重榮跋扈狀遂

留不遣是月晉鎮州安重榮執遼使者伊喇三月特授回鶻使科

里原作潤里裕悅原作于越

并賜旌旗弓劍衣馬餘賜有差

癸酉晉以許祀

南郊遣使來謝進黃金十鎰夏四月己卯晉遣進櫻桃五月庚辰

吐谷渾額爾奇木

原作夷離董

蘇等叛入晉遣德嘒

原作牒蠟

往諭晉及太

原守臣六月辛卯振武軍節度副使趙崇逐其節度使耶律華喇

原作畫里

以朔州叛附晉丙午命宣徽使尼古察

原作裏古只

赴朔州以兵

圍其城有晉使至請開壁即勿聽驛送闕下秋七月癸亥南唐遣

使奉蠟丸書丙寅尼古察

原作裏古只

奏晉遣使至朔令降守者猶堅

壁弗納且言晉有貢物命即以所貢物賜攻城將校已巳有司奏

神纛車有蜂巢成蜜史占之吉壬申晉遣使進水晶硯八月癸巳

南唐奉蠟丸書庚子晉遣使進犀弓竹矢吳越王遣使奉蠟丸書

九月壬申有星孛於晉分丁丑幸歸化州冬十月辛丑有司奏燕

薊大熟癸卯吳越王遣使來貢十一月丙寅晉以討安重榮來告

庚午吐谷渾請降遣使撫諭準布

原作阻卜

來貢以其物賜左右丙子

鴨渌江女直來貢壬午以永寧天授二節及正旦重午冬至臘並

受賀著令十二月戊子晉遣使來告山南節度使安從進反詔以

便宜討之庚寅南唐遣使奉蠟丸書戊戌晉遣王昇鸞來貢戊申

晉以敗安重榮來告遂遣楊彥詢歸辛亥晉遣使乞罷戍兵詔特

哩袞

原作楊隱

碩格

原作朔古

班師

甲寅

攻拔

朔州

遣控

鶴指

揮使

轄哩

原作

諸里勞軍時尼古察

原作古只

戰歿

城下

上怒

命誅

城中

丁壯

仍以

叛

民上戶三十爲尼古察

原作古只

部曲

五年春正月丙辰朔上在歸化州御行殿受羣臣朝以諸道貢物

進太后及賜宗室百僚戊午詔求直言北王府郎君耶律哈斯

原作

海恩應詔召對稱旨特授宣徽使詔政事令僧隱等以契丹戶分屯

南邊戊辰晉函安重榮首來獻上數欲親討重榮至是乃止癸酉

遣使使晉是月晉以朔州平遣使來賀遂遣客省使耶律華格原作

化使晉併致生辰禮二月壬辰上將南幸以諸路有未平者召太

子及羣臣議皆曰今襄鎮朔三州雖已平然吐谷渾爲安重榮所

誘猶未歸命宜發兵討之以警諸部上曰正與朕意合遂詔以明

王溫原作代裕悅原作爲西南路招討使以討之且諭明

王宜先練習邊事而後之官甲午如南京遣使使晉索吐谷渾叛

者乙未布古德原作來貢三月乙卯朔晉遣齊州防禦使宋暉

業翰林祭酒使張言來問起居閏月駐蹕陽門夏四月甲寅朔鐵

驪來貢以其物分賜羣臣丙子晉遣使進射柳鞍馬五月五日戊

子禁屠宰六月癸丑朔晉齊王重貴遣使來貢丁巳托克托呼原作

徒觀蘇色原作來貢乙丑晉主敬瑭殂子重貴立戊辰晉遣使告

哀輟朝七日庚午遣使往晉弔祭丁丑聞皇太后不豫上馳入侍

湯藥必親嘗仍告太祖廟幸菩薩堂飯僧五萬人七月乃愈秋七月庚寅晉遣金吾衛大將軍梁言判四方館事朱崇節來謝書稱孫不稱臣遣客省使喬榮讓之景延廣答曰先帝則聖朝所立今主則我國自冊爲鄰爲孫則可奉表稱臣則不可榮還具奏之上始有南伐之意辛卯準布原作阻卜布爾古原作蒲骨等率降將希達原作轄德至闕并獻將軍當達里原作闕里布爾古原作蒲骨所獲丁未晉遣使以祖母哀來告八月辛酉女直準布原作阻卜烏爾古原作烏古各貢方物甲子晉復襄州戊辰詔河東節度使劉知遠送叛臣烏爾古原作烏古指揮使由燕京赴闕癸酉遣天城軍節度使蕭拜牲原作拜石弔祭於晉九月壬辰遣使賀晉帝嗣位冬十月己巳徵諸道兵遣將軍默赫特原作骨德伐党項十一月己未武定軍奏松生棗十二月癸亥晉遣使來謝是冬駐蹕赤城

六年春二月乙卯晉遣使進先帝遺物辛酉晉遣使請居汴從之

三月己卯朔吳越王遣使來貢甲申美楞原作梅里托津原作喘引來歸戊

子南唐遣使奉蠟丸書丁未晉以至汴遣使來謝夏四月戊申朔

日有食之五月己亥遣使如晉致生辰禮六月丁未朔鐵驪來貢

己未奚楚庫勒原作骨里部進白麝辛酉莫州進白鵲晉遣使貢金

秋八月丁未朔晉復貢金己未如奉聖州晉遣其子延煦來朝冬

十一月辛卯上京留守耶律迪輦得晉諜知有二心甲辰鐵驪來

貢十二月丁未如南京議伐晉命趙延壽趙延昭安圖原作安端嘉哩

原作解里等由滄恒易定分道而進大軍繼之是歲楊彥昭請移鎮柰

樂及新鎮從之

七年春正月甲戌朔趙延壽延昭率前鋒五萬騎次任邱丙子安

圖原作安端入雁門圍忻代己卯趙延壽圍貝州其軍校邵珂開南門

納遼兵太守吳巒投井死己丑次元城授延壽魏博等州節度使
封魏王率所部屯南樂丙申遣兵攻黎陽晉張彥澤來拒辛丑晉
遣使來修舊好詔割河北諸州及遣桑維翰景延廣來議二月甲
辰攻博州刺史周儒以城降晉平盧軍節度使楊光遠密道遼師
自馬家口濟河晉將景延廣命石斌守麻家口白再榮守馬家口
未幾周儒引遼軍滿達原作麻荅營於河東攻鄆州北津以應光遠晉
遣李守貞皇甫遇梁漢璋薛懷讓將兵萬人緣河水陸俱進遼軍
圍晉別將于戚城晉主自將救之遼師解去守貞等至馬家口滿
達原作麻荅遣步卒萬人築營壘騎兵萬人守於外餘兵屯河西渡未
已晉兵薄之遼軍不利三月癸酉朔趙延壽言晉諸軍沿河置柵
皆畏却不敢戰若率大兵直抵澶淵據其橋梁晉必可取是日晉
兵駐澶淵其前軍高行周在戚城乃命延壽延昭以數萬騎出行

周右上以精兵出其左戰至暮上復以勁騎突其中軍晉軍不能
戰會有謀者言晉軍東面數少沿河城柵不固乃急擊其東偏衆
皆奔潰縱兵追及遂大敗之壬午留趙延昭守貝州徙所俘戶於
內地夏四月癸丑還次南京辛未如涼陁五月癸酉耶律巴哩岱
原作拔里得奏破德州擒刺史尹居藩及將吏二十七人六月甲辰黑
車子室韋來貢乙巳紳穆哩原作紐沒里約囉原作要里等國來貢秋七月
己卯晉楊光遠遣人奉蠟丸書辛卯晉遣張暉奉表乞和留暉不
遣八月辛酉回鶻遣使請婚不許是月晉鎮州兵來襲飛狐大同
軍節度使耶律恭嘯原作孔阿戰敗之九月庚午朔北幸十月丁未布
古德原作鼻骨德來貢壬戌天授節諸國進賀惟晉不至十一月壬申
詔徵諸道兵以閏月朔會溫榆河北十二月癸卯南伐甲子次古
北口閏月己巳朔閱諸道兵於溫榆河己卯圍恒州下其九縣